

欽定大清會典事例

欽定大清會典事例卷二百七十八

戶部

蠲恤 蠲賦一

蠲賦○順治三年覆准。江西省疊被旱澇。將三年分漕米。除已開幫解京外。餘悉豁免。○五年。豁免山東省被蝗被擾之夏津。朝城二縣應徵糧米。○六年奉

旨。蠲免各地方。於起存項下均減。如存留無餘。即於起運款內減除。若有司藉無項可免。使小民不需實惠者。該管上司科道指叅。○八年覆准。湖廣延燒儲倉

米豆悉予開除。○又覆准。地方災傷題蠲後。州縣以應免數目刊刻免單頒發。已徵在官者。即抵次年正額。官胥不給單票者。以違

旨計贓論罪。○十三年。蠲免河南省被蝗被水之磁

州

今屬直隸

汲縣。輝縣額賦。○十五年。蠲免浙江省

被災之甯波。紹興二府屬額賦。○康熙四年。遣

部員往勘山西災荒。現年正賦並舊欠。概行蠲

免。○又蠲免山東省棲霞。甯海等州縣衛。被寇

亂瘟疫荒地。丁徭賦。○六年題准。奉蠲地方

官。將應免錢糧。取每圖現年里長結狀。分送部

科察覈。如有已徵在官。不行流抵次年。及不扣除應蠲分數。一概徵比侵蝕。或經題定蠲免分數後。故將告示遲延。不即通行曉諭。或稱止蠲起運。不蠲存留。或於由單內扣除不及蠲額者。州縣衛所官。皆以違

旨侵欺論罪。上司不行詳察。使災民無告者。道府降

三級調用。督撫布政使都司

衛都司
今裁

降一級調

用。○又題准。蠲災流抵。如本年蠲免者。填明次年。由單之首。如流抵次年者。填明第三年由單之首。州縣衛所官。不開載確數者。議處。○八年

題准。直省州縣災傷。不得以閭境地畝總算分數。仍按區圖村莊地畝被災分數蠲免。○又欽奉

恩詔。蠲免江南等省康熙元二三年舊欠地丁等項錢糧。○九年覆准。織造局種藍田。因旱澇蟲蝕。免本年納稅。○十二年欽奉

恩詔。江南蘇松常鎮淮揚六府連年災荒。免明年地丁錢糧之半。○十五年覆准。蠲免銀增減造冊者。州縣衛所官降二級調用。該管司道府都司。罰俸一年。督撫。罰俸六月。如被災未經題免之先。報冊

內填入蠲免者。州縣衛所官罰俸一年。該管上司罰俸六月。○十八年。蠲免直隸省通州三河平谷地震各村本年搖賦。並撥補地畝錢糧。香河武清永清寶坻。免十分之二。金吾等衛所。照坐落州縣例。分別辦理。○又覆准。凡流抵錢糧。應蠲已徵者。給予紅票。次年按數抵免。○又覆准。蠲免錢糧。州縣官侵蝕肥己者。照貪官例。革職提問。督撫司道府官不行稽查。令州縣任意侵蝕者。皆革職。○二十八年

諭。今歲畿甸亢暘。將直隸被災州縣衛所本年地丁各

項錢糧除已徵在官外其餘未經徵收及康熙二十九年上半年錢糧盡行蠲免。○又

諭朕過邳州親見彼處田地多為水所淹沒應納地丁及漕運錢糧均著蠲免節年通欠亦盡予豁除。○又諭今年湖北亢旱為災已遣官會同該督察勘今據將武昌等府所屬二十九州縣八衛所災傷分數勘明具奏朕心深為軫念武昌等四府今年錢糧前已全蠲其被災二十州縣四衛所康熙二十九年上半年地丁錢糧著予蠲免荊州安陸二府所屬被災九州縣四衛所本年地丁錢糧除已徵在官外其未經徵

收及二十九年上半年錢糧亦盡行蠲免。○三十年
諭保定等處被災既經續報且現在供辦軍需其應完
錢糧悉行豁免。○又蠲免陝西省被旱之渭南扶風
等二十一州縣衛並都司所屬民屯更名地畝
額賦。○三十一年蠲免江西省瑞昌縣自洪下
源頭起至烏石止沙石堆積及水決田地七頃
九十七畝九分零上年應徵錢糧。○又蠲免江
西省永甯縣起蛟水決田地上年應徵錢糧。○
三十二年

諭朕恭謁

山陵沿途察訪民隱。見今歲雨水過溢。田禾被淹沒者甚多。穀耗不登。米價騰貴。又聞順天河間保定永平四府所屬皆然。目前米價既貴。將來春夏之際。時值益昂。小民艱粒鮮飽。若來歲錢糧仍然徵收。朕心實有未忍。順天河間保定永平四府康熙三十三年應徵地丁銀米。著通行蠲免。所有節年舊欠。亦准予豁免。○又

諭陝西西鳳二府連被災傷。屢經轉粟蠲稅。又招集流民散給牛種。然後流民復還鄉井。今雖雨澤霑足。百穀阜成。而甫脫飢寒。未饒生計。將西鳳二府被災州

縣衛所康熙三十三年地丁銀著通予豁免。○又蠲免陝西省西鳳延漢四府並興安州今改本年課程匠價銀及牲畜地稅等銀。○又蠲免山西省河津榮河二縣被水衝却入河田地錢糧。○三十三年

諭山西平陽府澤州沁州所屬地方前因旱蝗災傷民生困苦已經蠲免額賦並加賑濟而被災失業之衆猶未盡睹盈寧其康熙三十年三十一年未完地丁錢糧五十八萬一千六百餘兩米豆二萬八千五百八十餘石通行蠲豁用紓民力戶部行文該撫嚴飭

該府州縣官悉心奉行務俾人需實惠。儻有已完在官捏稱民欠。及已奉蠲免。仍復重徵。官吏作姦侵漁中飽。一有發覺。定以軍法從事。遇赦不宥。○又

諭江蘇鹽城等五州縣存水田畝地丁錢糧漕米均照該督撫所題蠲免。○又蠲免山東省邱縣被水地畝應徵銀米。○又

諭河南百姓連年為陝西運送米糧甚為勞苦。今陝西田禾大穫。應補運折耗米糧著通行豁免。○三十四年

諭直隸順天保定河間永平四府所屬地方被水。將康

熙三十五年地丁銀米全予蠲免。○又

諭奉天等處今年田畝薄收本年錢糧通著蠲免。○又
諭宣化府屬地土瘠薄秋禾被災今年錢糧除已完納
外未完者均免徵其康熙三十五年錢糧仍照順天
等四府通行蠲免。○又欽奉

恩詔山西陝西江南浙江江西湖廣廣東福建等省康
熙三十三年以前節年積欠及帶徵未完銀米皆著
豁免。○三十五年

諭江南淮揚徐泗等處去歲水勢驟發被災小民困苦
萬狀朕心深為憫惻三十五年一應錢糧盡行蠲免

其三十四年未完錢糧。於三十七年帶徵。○三十六

年

諭海州等十八州縣三衛。被九分十分重災田畝。本年應徵地丁銀米。及此項田畝所有漕糧漕項。著通行蠲免。○又

諭江南山陽高郵被淹蕩租。均著全免。○又

諭直隸宣化府屬三十六年地丁銀米。既予蠲免。其宣屬受災地畝。所有補給通州等州縣者。其錢糧亦一例蠲免。○又

諭淮安揚州鳳陽等處。比來水患頻仍。浸漫隄岸。田多

淹沒耕穫無從。百姓艱於粒食。經朕屢賑屢蠲。被災地方賴以安堵。但久歉之餘。恐致資生匱乏。朕廑惻殷切。未嘗稍釋於懷。若不大沛恩施。安能使小民各得其所。著將海山陽安東鹽城江都高郵泰興化寶應壽泗亮鳳陽臨淮懷遠五河虹蒙城盱眙靈璧等州縣並被災各衛所。康熙三十八年一切地丁銀米等項及漕糧盡行蠲免。○三十八年

諭。昨歲淮揚兩屬被災錢糧。曾經該督撫具題。部議照例減免三分。今念百姓餬口為艱。安能辦賦。應破常格。用沛特恩。淮安府屬之海山陽安東鹽城揚州府

屬之江都高郵泰興化寶應九州縣。並淮安大河二衛。康熙三十七年未完地丁漕項等銀十有九萬。米麥十萬石各有奇。著全予蠲免。○又蠲免浙江省龍游縣水衝沙壓地畝應徵錢糧。○又蠲免浙江省蘭谿縣水衝田地錢糧。○又

諭朕聞鳳陽府屬去歲潦災甚重。將康熙三十七年該府屬壽泗盱眙靈璧等十一州縣並泗州一衛未完地丁漕糧等項。著一概免徵。○又題准直隸省通州等六州縣額設紅剝船共六百隻。剝運南漕。每船給地十頃。按畝起科。嗣後紅剝船地畝。凡遇

災傷之年。照民地一例蠲免。○又

諭。淮揚所屬海州等州縣衛。連年河流浸漫。編氓艱於粒食。朕心深切軫念。已將康熙三十八年錢糧。均行蠲免。今春南巡。目睹民間疾苦。恐致失所。復將康熙三十七年未完錢糧。盡予豁免。諭令所司。將沿河隄岸。堅固修築。乃修防未竣。夏秋又致衝決。田廬盡沒水中。特命該撫。往駐被災地方。動支積貯米穀。並將漕糧截留。親行賑給。今念清河口。河流未通。民田仍遭淹沒。耕穫無從。百姓饘粥尚屬艱難。來年租賦。安能輸辦。著將被災海山陽安東鹽城江都高郵泰興

化寶應大河等州縣衛。康熙三十九年地丁銀米等項。及漕糧漕項銀。盡行蠲免。○又蠲免山西省平定等十一州縣節年民欠。○又蠲免福建省臺灣府屬三縣上年被風田園應徵粟米。○又

諭直隸霸州文安大城等三州縣地居窪下。被水最甚。雖遇豐年。民猶艱食。其三州縣節年積逋。及本年應徵地丁正項。戶部即將應蠲錢糧。備細查明豁免。○

四十五年

諭今歲漢江水大。南鄭等縣城垣田舍。被水衝決。且米價騰貴。小民艱食。所有本年應徵錢糧。著豁免。明年

以後地丁錢糧亦著暫行停徵。○四十六年

論江浙地方。頃因偶被旱災。隨命按數減徵。豁免漕欠。

並分截本年漕糧。令該督撫親往散賑。猶念民間生計未裕。茲特再施膏澤。用宏休養。康熙四十七年江南浙江通省人丁。共徵銀六十九萬七千七百餘兩。著悉予蠲免。其本年被災。安徽巡撫所屬七州縣三衛。江蘇巡撫所屬二十五州縣三衛。應徵地畝銀一百九十七萬五千二百餘兩。糧三十九萬二千餘石。浙江二十州縣一衛所。應徵地畝銀九十六萬一千五百餘兩。糧九萬六千餘石。四十七年亦著免徵。所

有舊欠帶徵銀米。亦暫停追取。俟開徵時一併輸納。

○又

諭從來漕米。概不停徵。即蠲除節年額賦。亦不及漕項。朕念江南地方現被旱災。除新徵糧米。別有諭旨酌量截留散賑外。其四十三年以前。江蘇巡撫所屬各府州縣未完民欠漕項銀六十八萬七千餘兩。米麥三十一萬一千八百餘石。著該撫覈明悉予全免。○

四十八年

諭朕念江南淮安徐州揚州三府地卑積水。被災獨重。秋禾未播種者甚多。雖本年錢糧業經全免。又曾遣

官分賑。而失業之民。宜加格外之恩。以宏休養。康熙四十九年。淮揚徐三屬邳州等十九州縣三衛。額徵地丁銀五十九萬三千八百餘兩。著通行蠲免。又河南歸德府屬商邱等六縣。山東兗州府屬濟甯等四州。或被夏災。或被秋災。雖已各依分數例免額賦。並宜更施膏澤。用厚民生。四十九年商邱等縣應徵地丁銀二十萬二千四百餘兩。濟甯等州縣應徵地丁銀十有四萬六千六百餘兩。著通行蠲免。○又

諭。漕糧例不蠲免。念浙江被災之後。民力艱難。其緩徵漕米。著免徵收。○又

諭。今歲直省各處皆獲收成。惟廣東三水清遠高要高明四會五縣。福建侯官縣福防廳所屬福右衛二處。甘肅靖遠衛環縣鎮原縣固原州固原衛平涼縣平涼衛崇信縣慶陽衛靈州所會甯縣甯夏中衛甯夏所古浪所十四處。今歲夏秋被災。各督撫已經奏聞。其明年應徵廣東省三水等五縣額銀七萬七千九百餘兩。米一萬七千六百餘石。福建省侯官縣等二處額銀三萬六千六百餘兩。米六千四百餘石。甘肅靖遠衛等處額銀四萬七千七百餘兩。糧八萬八千五百餘石。草八十四萬三百餘束。盡予蠲豁。○五十

五年

諭前因甘肅靖遠衛等處歉收既已多方籌畫蠲賑頻施復將甘肅被災二十八州縣衛所康熙五十四年額徵銀及糧草通行蠲免但被災之餘民鮮蓋藏若非再沛宏施恐來歲辦賦猶艱除甯州隴西渭源狄道臨洮五州縣衛五十五年額徵賦銀糧草已經蠲免外其靖遠等二十八州縣衛所五十五年額徵銀九萬七千八百七十餘兩糧二十三萬九千餘石草二百五十三萬七千餘束亦盡予蠲免。五十九年

欽奉

恩詔地方災傷已經察勘蠲免賦役者有司不遵仍行
濫徵及但免有力之家致窮民不需實惠者事發決
不饒恕。○雍正元年蠲免山東省上年被旱之濟兗
東青四府屬厯城等四十九州縣衛所應徵銀
二十三萬二千一百餘兩。○四年覆准江南省
昭陽湖田地嗣後如遇涸出收成之歲每畝悉
照舊額徵科。值遇水淹即勘實題請豁免該州
縣有將涸出地畝仍報水淹抑或已報涸出後
即有水淹不為申報請免者該督撫即行題參
如徇隱不參及州縣申報水淹不即委員勘實

題請豁免者。一經發覺。將該督撫一併嚴加議處。○五年

諭。上年湖北地方。有數州縣被水。收成歉薄。已降諭旨。令有司動用倉穀。減價平糶。以惠窮民。今聞本年四五月間。有數處雨水稍多。江流泛漲。沿江之地。未免近水被淹。如武昌府屬之咸甯蒲圻嘉魚三縣。武昌武左二衛。漢陽府屬之漢陽漢川二縣。荊州府屬之江陵縣。荊州衛。黃州府屬之黃陂黃梅二縣。皆係濱江之地。田畝有被水之處。米價漸昂。朕心深為軫念。著該地方官加意撫恤。朕又思此縣衛數處。既經被

水。若仍令其輸納錢糧。民間未免竭力。著將今歲錢糧。全行蠲免。儻有已經完納者。准作雍正六年應完之項。此朕格外施恩。該地方大小官吏。務須實力奉行。使小民均霑惠澤。儻有絲毫侵隱假借之處。一經察出。定從重治罪。再各省藩庫。皆有酌留銀備用。因湖北並無存贖銀。是以未曾酌留。今既有蠲免之州縣。恐俸餉公用等項。一時或有不敷。現在湖南藩庫有存貯銀三十萬兩。著將銀十萬兩。就近撥解湖北布政使司。再將兩淮鹽課銀撥二十萬。以十萬兩解送湖南補項。以十萬兩解送湖北備用。湖北既有銀

二十萬兩。則公項需用可以動支。俟徵收還項之時。即充藩庫酌留之數。又聞湖南近江州縣。亦有數處被水。著總督巡撫確實勘明。亦照湖北咸甯蒲圻等縣銜之例。將今歲錢糧蠲免。○又蠲免浙江省上年被水之仁和等州縣應徵錢糧。○又

諭玉田縣之還鄉河隄岸衝決。附近田廬。有被淹傷損之處。著將被水之地。明年錢糧蠲免一年。○六年

諭免直隸省七年分起運銀四十一萬七千八百餘兩。

○又覆准。州縣被災之處。或將已徵在官者。匿為民欠。希圖蠲免。嗣後應將全免之州縣。作次

年蠲免。其被災本年之錢糧。即於次年徵納。○
又蠲免浙江省江山縣陡被蛟水暨水衝田地
應徵銀米。○又蠲免四川省建昌鎮屬酥州糯
白瓦等處番民水旱田賦。並被雪打水衝之災
番應納蕎糧。○七年定。各省凡災蠲地丁正賦
之年。其隨正耗羨銀兩。按照被災分數。一律蠲
除。○又蠲免直隸省西甯縣秋禾被災田賦。○
又

諭直隸霸文安大城豐潤滄靜海等六州縣及梁城一
所。常有水患。康熙三十四五並四十二等年民欠米

穀經年已久。著加恩豁免。○十二年

諭。西陲用兵以來。甘肅等處運送糧餉。不能不藉民力。朕已屢沛恩膏。茲聞甘省入夏以來。雨澤愆期。著將雍正十三年甘肅通省所屬應徵地丁錢糧。全行豁免。○又

諭。聞四川巴江津長壽綦江涪瀘永璧山合江等州縣九姓等土司。今年雨水較少。收成稍薄。朕心深為軫念。今各省舊欠錢糧。已降旨通行豁免。而川省並無逋欠之項。得邀赦免之恩。此巴縣等處本年未完錢糧。著即全行豁免。○又

諭江南宿遷睢甯桃源三縣現在新淤涸復改科地糧額徵銀著全行豁免其十三年淤地未完錢糧亦免徵收○又

諭漕白南米向來雖無蠲免之例朕念浙江收成歉薄著將仁和等四州縣實在被水各戶本年應徵漕白南米亦照地丁之例格外加恩豁免○乾隆二年蠲免湖北省上年被水之漢川江陵二縣並屯坐二縣之武存荊州荊存三衛應徵銀米○又議准嗣後被災地方應徵丁糧等銀令該督撫確實勘明或分年帶徵或按分數蠲免臨時具題

請

旨。再丁銀一項。攤入地畝均徵之後。設有災荒。自應一例酌免。行令各省。僅遇災荒。減免錢糧。即將丁銀統入地糧銀內。覈算蠲免。以昭畫一。○又蠲免江南省碭山縣上年學田被災租糧。○又題准。八旗餘絕地畝被災。亦照入官地畝之例。減免租銀。又革退網戶地畝被災。照入官地畝之例。覈明分數。按等減免。○又

諭。豫省西華等四縣被水。其應免錢糧。照例蠲免。○又諭。湖北沔陽州地勢低窪。田畝坍塌。淤漲靡常。積有逋

賦。雍正十二年該督題請文明。其十三年乾隆元年未經清丈民欠著悉行蠲免。○又

諭陝西靖邊定邊安定葭神木府谷米脂吳堡等八州縣被災地畝正耗銀本色糧草按地蠲免。○又

諭上下兩江雨澤愆期收成歉薄將雍正十三年乾隆元年分安徽所屬未完地糧蘆課及米穀麥豆等項應分年帶徵者著一併豁免。乾隆二年江蘇所屬江常鎮淮揚徐海七府州屬有緩徵停徵銀米亦著豁免。○又

諭乾隆元年曾借給瓜州回民籽種並腳價銀向留為

分年帶完之項。著將此項糧銀。全行豁免。○又奏准。民田應徵漕糧及漕項銀米。被災之年。或應分年帶徵。或與地丁正耗錢糧一律蠲免。該督撫覈實具題。請

旨定奪。○又議准。入官旗地被災。該管官將災戶原租銀作為十分。按災請蠲。被災十分者。蠲免租銀五分。九分者。蠲免租銀四分。八分者。蠲免租銀二分。七分者。蠲免租銀一分。被災六分以下。不作成災分數。其原納租銀。緩至來年麥熟後。啟徵。○又議准。山西省未經攤徵之丁銀。及無

地災戶丁銀統隨地糧應蠲分數一律請蠲。

四年

諭上年十一月甯夏地震。民人被災甚重。著將甯夏甯朔平羅新渠寶豐五縣。本年應徵地丁及糧草雜稅等項悉行豁免。如有舊欠亦著蠲免。儻附近州縣有被災之處亦著勘明奏聞。○又

諭朕因上年安徽旱災甚重。曾降諭旨將雍正十三年乾隆元二年分未完地糧蘆課及米穀麥豆等項例有帶徵者全行豁免。今宿州及鳳臺靈璧石埭三縣雖未被旱。所有未完雍正十三年乾隆元二年錢糧

亦係被災緩徵之項。著一例豁免。其舊欠之隨徵耗羨。並被災各屬帶徵元二兩年之災緩漕糧。著遵照前旨。悉隨正項豁免。至未經被旱及勘不成災之各州縣。所有催徵舊欠錢糧。力不能完。應行豁免者。一併遵照辦理。○又

諭甘肅被水被雹之處。雖有輕重不等。但一州縣中有被災之處。則通州縣中必不能十分豐收。糧米未必寬餘。著將被水雹之州縣。不論成災不成災。所有乾隆四年應徵地丁錢糧。悉行寬免。○又

諭甘肅所屬秦安等十五州縣。均有水雹偏災。應徵銀

草分別蠲免。今碾伯靈州中衛亦有被災之處。著將此三州縣三年分應徵銀草與秦安等州縣一併加恩。分別寬免。○又

諭江蘇被旱歉收。將乾隆二年江常鎮海揚徐海七府州屬被水停徵銀米等項。降旨豁免。又聞海州及安東蕭碭三縣連年被水。在淮徐等府內尤屬被災獨重之區。著將此四州縣所有雍正十三年乾隆元年地漕等項。悉行豁免。○又蠲免江南省被水旱冰雹之安東秦豐沛海流陽等六州縣屯田攤河田地租銀。○又

諭甘肅甯夏地震之後必加意休養方能培復元氣著將甯夏甯朔平羅三縣額徵銀草再寬免一年。○又蠲免直隸省被災之入官並網戶旗退公產餘絕等地租銀。○又蠲免安徽省被水被旱之宿鳳無為合肥等十九州縣並鳳陽等四衛屯折學田等項應徵租銀米麥。○五年

諭從前甯夏等處地震為災本年平羅地方又有被水旱之處著將賦銀糧草全予豁免並將夏朔二縣及平羅未被災村莊所有乾隆六年額徵賦銀糧草亦寬免一半。○又蠲免安徽省宿州鳳臺靈璧石埭等

縣雍正十三年並乾隆元二等年被災未完地
丁損腳銀暨存留項下未完俸工等項及民欠
米豆學租蘆課升科馬田租稻。○六年

諭乾隆二年八月間福建閩侯官等縣遭遇風災有借
給倉穀銀令其分年陸續交清今有力之民雖經清
完尚有閩侯長連建五縣未完倉穀銀著全行豁免
○又蠲免江蘇省豐沛等十州縣衛上年水旱
蟲傷被災應徵地丁屯折蘆課河租銀兩米豆
○又蠲免湖南省湘鄉臨武二縣本年被水地
畝條餉等銀。○又

諭朕御極以來。愛養黎元。蠲免正賦之外。復將雍正十三年以前各屬積欠。陸續豁免。以息民間追呼之擾。今各省未完正項銀米豆草。並雜項租穀。積欠已久。多係貧乏之戶。無力輸將。況江蘇所欠獨多。目今現被水災。待恩撫恤。著將各項悉行豁免。若諭旨未到之先。或有續完。即咨部扣除。再江浙二省尚有未完漕項銀米豆麥。向來不在豁免之例。今既蠲除各項。著將漕項一併免徵。○又蠲免江南省被水之上元江甯等二十八州縣衛民屯蘆灘地畝。應徵地丁屯折河租蘆課學租銀兩米豆。○七年

諭江南上下兩江。今年水漲逾常。該督撫陸續奏報者。不下數十州縣。朕每一覽奏。宵旰靡寧。已屢降諭旨。令該督撫加意撫綏。毋使失所。又特命大臣前往會同該督撫等。拯救目前之災荒。永除將來之水患。但念此等被災之地。夏已無收。秋更失望。小民困苦。其何以堪。況此數十州縣。有今年被災特甚者。有今年稍輕而連年被災者。現又水漲未消。亟待賑恤。其流離顛沛之狀。時在朕心目中。所有本年應納錢糧。著該督撫勘明被災各州縣。先行緩徵。次第將確數分別具奏。請旨蠲免。○又

諭據湖廣督撫奏報。湖北之荊州安陸漢陽襄陽德安。湖南之長沙衡岳常德澧等府州所屬之州縣。夏月被水淹沒田廬禾稼。又據江西巡撫奏報。贛州吉安南安三府所屬州縣。有被水較重之處。今思江廣二省。雖係偏災。而被水之民。未嘗有偏全之別。著該督撫於被水地方。將應徵錢糧。先行出示緩徵。然後查勘照例題請蠲免。○又蠲免江蘇省被災之江浦等二十九州縣衛地丁等銀二十三萬七千三百七十七兩。歲夫銀一萬一百三十九兩。蘆課等銀一千四百四十九兩。學租銀六十八兩。本色

米八千一百九十四石。又山陽等二十六州縣
衛漕項銀三萬三千五十三兩五錢九分。米麥
豆十一萬八千八百三石一斗六升有奇。○又
蠲免安徽省被災之壽州等二十州縣衛地丁
漕項銀十七萬八百十兩四錢。米一千七百四
十五石四斗五升。豆六十六石四斗二升八合。
麥二百四十四石八升。內泗盱二州縣黃快丁
銀攤入民田徵收。應照民丁遇災。一併免徵。於
冊內別款造報。共免銀十一兩五錢四分有奇。
○八年。蠲免甘肅省被水被雹之皋蘭狄道拿

固原華亭鎮原甯遠甯州甯朔碾伯平番禮十二州縣六年賦銀糧草。○又蠲免安徽省上年被災之鳳潁泗等府州縣衛帶徵地丁暨隨漕銀兩米麥。○又豁免江蘇省被災之山陽等二十六州縣衛上年蠲贍地丁屯折等銀米及蘆課雜租學租等銀。○又蠲免江蘇省被水被旱之溧水等十五州縣衛所並海州沭陽贛榆溧陽鹽城四縣學租銀米。

欽定大清會典事例卷二百七十九

戶部

蠲恤 蠲賦二

乾隆八年蠲免直隸省被旱之滄州鹽山慶雲海豐青南皮衡水東光八州縣並長蘆鹽政所屬興國富國豐財嚴鎮海豐等場竈地草蕩丁糧。又蠲免山東省被霜成災之臨邑縣地丁銀兩。九年

諭乾隆三年甯夏地震鎮標及外路協防兵丁在甯夏府庫借支帑銀除扣還司庫外尚有未完銀一萬九

百餘兩。現在著追。朕思甯夏地震之後。屢值歉收。兵丁倍覺艱苦。深為憫惻。著將此項未完銀。悉行豁免。○又蠲免甘肅省高臺縣屬三清灣等處屯田五年分被旱傷鼠食之原借籽種糧米。○又蠲免浙江省被旱被水之仁和等三十二州縣。並杭州前右二衛。湖衢嚴三所。仁和等八場。扣免南秋各米地丁屯餉。暨竈蕩田地應徵各銀兩。○又蠲免甘肅省被水之平羅縣原借口糧籽種。○十年蠲免陝西省咸陽長安二縣五年七年衝坍民地項下所有應徵本折糧折色均徭。

銀屯地項下應徵本折米糧更名地項下應徵本色折價糯米折色銀兩。○又蠲免甘肅省八年分被水被雹之皋蘭金靖遠平番靈礪伯高臺七州縣銀米糧草。○又蠲免江西省被旱之玉山縣應徵賦銀。○又

諭近聞江蘇所屬海安東蕭碭山四州縣連年被水在淮徐二府內被災獨重朕心深為軫念著將此四州縣雍正十三年乾隆元年未完地漕等項悉行豁免。○十一年

諭朕加惠黎元將天下錢糧分年蠲免一次今直隸輪

免之年。宣化府所屬各州縣應徵屯糧。例在不蠲免之內。但念宣屬地處邊隅。上年被災較重。今春雨澤稀少。現在降旨加賑。與常時不同。著將本年額徵屯糧。蠲免三分之一。○又蠲免福建省臺灣官莊租息

十分之三。○又

諭江蘇海州及沭陽贛榆二縣。頻年被水。小民生計艱難。其應徵地漕銀米。已降旨停緩。惟是積歉之區。朕心廑念。今歲復遭水患。著將三州縣十年以前積欠地漕銀米。概行豁免。其淮安分司所屬之板浦徐瀆中正莞瀆臨洪興莊等六鹽場十年以前未完折價

銀亦一例豁免。又蠲免江蘇省被水之山陽清河等二十五州縣衛地丁屯折河租暨本色米糧並漕項銀米麥豆。十二年

諭。吉林地方上年雨水多霜降早收成歉薄著加恩將應交米糧均予寬免。又蠲免江蘇省被災之睢甯縣應徵漕項賦銀米麥。又蠲免長蘆所屬豐潤縣管轄之越支場被水地畝銀兩。又蠲免安徽省被水之壽宿泗等二十四州縣衛銀米麥石。又蠲免江蘇省山陽等二十六州縣七年分未完起存地丁等銀米暨雜項學租。又

蠲免山東省被水被雹之齊河等八十五州縣
衛所應徵賦銀二十四萬一千九百四十三兩
四錢有奇。又蠲免山東省被水之鄒平即墨
等六州縣應徵賦銀一千九百二十五兩六錢
有奇。十五年

諭朕巡洛祀嵩甫經豐樂鎮即已降旨蠲免經過州縣
十分之三其地年歲順成是以照例蠲除數日所過
州縣體察農功夏麥告豐晚禾覺歉秋年播種亦復
待時深為軫念其歉收之處著再加恩統前蠲免十
分之五令該撫詳悉勘明分別辦理。又蠲免江淮

等屬被災學田應徵四分銀十七兩六分有奇。
○又蠲免江蘇省被水之江淮揚徐海五府州
屬地丁等項銀六萬五千五百九十八兩五錢。
本色漕糧漕贈米麥豆一萬六千四百七十九
石五斗各有奇。○十六年

諭朕清蹕南巡。道由山左。所有經過州縣。既已特沛恩
膏。茲攬轡觀風。知連歲有秋。視戊辰東巡之時。閭閻
大有起色。為之慶慰。尚念該省有積年緩徵帶徵未
完米穀。皆因災出借之項。雖疊遇有收。而按年催比。
民力不免拮据。著將被災借穀。應於十五年起分作

五年帶徵及鄒平等屬帶徵未完穀共九十七萬五千餘石概行蠲免。又

諭朕車駕南巡乘時布澤蠲除積欠。疊沛恩膏更念江蘇之宿遷等州縣上年被水稍重。雖經格外加賑。可以接至麥秋。該督撫等自督率地方官按期散給災黎均霑實惠。而清蹕所經。倍深軫恤。著再加恩。將經過之宿遷清河桃源三縣被災貧民。上年出借籽種銀悉行免其徵還。以紓民力。又

諭江南揚州府屬之興化縣積淹荒廢田畝錢糧久經停緩。後歸冬勘辦理。於乾隆九年起按年勘報豁免。

其元年至八年原緩未完賦銀米麥仍應分別催輸荒戶殊為拮据朕翠華南巡廣敷惠澤著將此項原緩未完賦銀米麥一併勘明加恩豁免以甦民困○

又

諭徐州府屬沛縣濱湖地畝近年以來屢被水災所有應徵租銀自乾隆十年起按年勘報請豁而九年以前積欠未完租銀以不在勘豁之例仍須照數輸納貧民未免拮据著將乾隆九年以前應徵未完租銀三千一百餘兩一併加恩豁免○又豁免浙江省被災之淳安縣地丁銀七百六十八兩二錢米三

石九斗各有奇。○又蠲免浙江省被災之永嘉樂清瑞安平陽等四縣應徵地丁銀四百十八兩六錢米二千九十六石九斗各有奇。又温州衛應徵地丁銀五十一兩九錢軍儲銀十七兩三錢各有奇。玉環廳應徵穀四百四十石一斗有奇。○又蠲免陝西省被災之大荔等縣應徵地丁銀二千十四兩一錢。朝邑等縣應徵穀四十五石六斗各有奇。○又蠲免山東省被水之嶧縣等七州縣應徵地丁等銀一萬一千三百五十五兩六錢。○十七年蠲免浙江省被災之

永嘉場應徵十五年場課正珠車銀六兩二錢有奇。○又蠲免安徽省被水被旱之徽甯池鳳和廣六府州屬並歙縣績溪等二十三州縣衛應徵銀四萬六千十一兩九錢。米一千六百八十六石五斗六升。豆一千五百二十六石二斗七升。各有奇。○又蠲免山東省被水之鄒平等州縣應徵地丁等銀九萬一千三百二十一兩六錢有奇。○又蠲免浙江省被災之海甯等州縣廳衛所場應徵地丁銀二十一萬七千六百十兩四錢。米一萬八千三百三十五石一斗穀

二千六百四十三石七斗滴珠等銀二千九百九十七兩四錢各有奇。○又蠲免湖南省被旱之善化等三縣應徵銀一千一百七十三兩米二百七十七石九斗各有奇。○又蠲免山東省被災之壽光等五州縣應徵銀四千三百七十一兩有奇。○十八年蠲免浙江省被水之仁等等縣場應徵地丁等銀八千八百七十三兩五錢米六百七十九石七斗。海甯縣縣改公租銀三十四兩各有奇。○又蠲免浙江省被水之仁和县場應徵銀五百二十二兩九錢有奇。○又

蠲免湖北省被水之鍾祥等州縣衛應徵銀二萬九千八百九十六兩八錢。南秋米麥並黃豆二千三百十石一斗有奇。○又蠲免甘肅省被災之皋蘭等州縣應徵銀一百七十九兩一錢糧三百五十石各有奇。○又蠲免陝西省被旱之西安耀州等三十九州縣廳應徵地丁銀二十六萬九千四百十五兩。糧三萬八百八十七石九斗各有奇。○十九年蠲免安徽省上年被水之甯鳳潁泗滁等屬太壽等二十五州縣衛應徵地丁等銀四萬四千四十九兩。米三百三

十六石。麥六十六石。豆十一石各有奇。○又蠲免江蘇省被水之上元等三十二州縣應徵地丁等銀三十一萬九千三百一兩。米麥豆十二萬八千三十二石各有奇。○又蠲免安徽省被水之泗州盱眙等州縣應徵地丁銀七千八百一十二兩。米三百四十六石七斗。麥五石五斗。豆十三石三斗各有奇。○二十一年蠲免浙江省上年被水之仁和等州縣場所應徵地丁銀六萬七千四百三十八兩九錢。南秋等米六千九百五十四石六斗各有奇。又上虞縣被水衝坍

沙石壅漲田地應豁無徵銀一百九十四兩七錢米八石二斗一升各有奇。二十三年。

諭延榆所屬八州縣所有歷年積欠常平倉及借支牛具折還穀共一十八萬二千三百餘石俱著加恩豁免。二十四年。

諭甘省遠處邊陲地方寒瘠昨春曾被偏災之地尚有官借牛具籽種口糧及積年應交官項為從前恩旨所未及者著再加恩將上年曾被偏災及勘不成災各州縣未完籽種糧九萬六千餘石又折給銀五千八百餘兩又各屬被旱被雹處所內有勘不成災地

畝原借籽種糧一萬一千三百餘石。又折給銀二千五百餘兩。口糧一萬餘石。又折給銀四千七百餘兩。又甘州涼州肅州未完牛價銀一萬一千五百餘兩。乾隆二十三年各屬借給牛本糧一萬五千九百餘石。銀八千餘兩。皋蘭縣借製水車未完銀兩。及雍正七年起至乾隆二十二年止未完牙稅磨課等銀兩。普行蠲免。其帶徵民欠未完各官養廉公費銀三萬九千二百餘兩。糧一十二萬三千二百餘石。並雍正十三年未完耗羨銀糧。概予豁免。至柳林等處屯田。並著加恩將本年應分糧石。各照交官之數酌減一

半交收俾得均霑渥澤。○又

諭安西瓜州屯民所種地畝瘠薄年來雇運軍糧頗能急公勦事所有交納借給牛具碾磨未完銀兩著加恩悉予寬免。○二十六年

諭畿輔各屬上年應徵額賦踴躍輸將惟宣化一郡節年積欠銀糧為數較多該處山多土瘠連值偏災若令新舊並徵小民生計未免拮据著加恩將宣化等州縣民欠未完銀糧概予蠲免。○二十七年蠲免河南省上年被水之祥符等州縣舊欠牛種銀五萬六千餘兩。○又蠲免山東省上年被水各屬

自乾隆十年至二十四年未完民欠常平商輸等穀及籽種麥本牛具等銀。又蠲免直隸省被水之文安等十七州縣應徵銀八萬二千四百兩。穀豆高粱五千四百石零。並甯河等五縣應徵銀二萬一千五百餘兩。穀豆高粱一百八十餘石。○二十九年蠲免雲南省之江川通海甯州。河西。建水等五州縣應納條公銀兩。及江川。河西二縣撥運兵米等項。○又

諭甘省鞏昌等府屬夏秋雨澤未徧歲事歉收著特加恩將被旱較重之皋蘭等十二州縣廳並被旱稍輕

之河州等十八州縣廳及靈州中衛縣屬被災旱地應徵地丁錢糧概予蠲免。三十年

諭甘省遠處西陲地瘠民貧茲以地動壓損房屋人口朕心深為軫惻著加恩將災重地方本年應徵錢糧一體蠲免。又蠲免直隸省霸州固安永清三州縣屯戶領種及隨帶地畝應交未完租穀八百餘石。三十一年

諭昨歲河東河西間有偏災尚有歷年緩帶借欠未完等項例須新舊並徵同時輸納民力未免拮据是用特沛恩膏將甘肅省靖遠等一十四廳州縣民欠地

丁銀及折借籽種口糧牛本等項銀糧陝省延安榆林綏德三府州屬民欠籽種口糧牛具銀普行豁免俾小民均霑實惠。三十二年

諭江西南昌新建等七州縣本年秋田偶被偏災念此數縣連年被水民力倍為拮据所有明歲輪免漕糧著加恩豫行蠲免。三十六年蠲免甘肅省節年未完民借籽種口糧等項倉糧四百四萬餘石。三十八年蠲免江蘇省安東等七州縣衛節年積欠未完銀三萬九千七十七兩米麥豆穀六萬七千二十七石有奇。三十九年

諭此次逆賊王倫等糾衆攻擾臨清等處。經舒赫德等統率八旗勁旅。彌月即為勦平。著將臨清新城內本年地丁漕項錢糧未完銀兩。全行蠲免。其舊城內實係良民未從賊者。所有本年未完錢糧。蠲免十分之五。○又

諭今年黃水屢經陡長。兼之連日風雨。以致隄工漫溢。淮安一帶。間有被淹之處。朕心深為軫念。著該督撫即速確查。加意撫恤。分別蠲賑。毋致濱水窮黎稍有失所。○四十二年

諭甘肅舊欠各項銀兩。節次加恩。分別展限徵收。該省

上年夏禾又被旱災。著加恩自乾隆二十三年至三十五年民借折色未完銀八十四萬餘兩。概予豁免。

○四十三年

諭豫省自去秋至今。雨澤稀少。現在已交夏令。即甘霖霑沛。二麥已難望有收。其開封等五府應徵本年錢糧。雖經降旨停緩。但秋後仍須輸納。莫若將該省四十五年輪免錢糧。作於本年先行蠲免。其迪南各府現已徵收者。即為明年正供。○又

諭本年山東濟東武曹臨清濟甯等六府州及泰克二府北境。春間種麥較少。著加恩將四十五年輪免錢

糧即於本年普行蠲免其現已徵收者即作為明年正供。四十四年蠲免甘肅省因災帶徵未完銀二十三萬餘兩糧一百零五萬四千餘石。又奉旨皋蘭等三十七廳州縣被災地畝應免錢糧著加恩於四十四年補行蠲免。四十五年覆准江蘇吳縣向有公田一萬二千五百餘畝原係富民捐置歲收租息以為抵補逃亡無著錢糧之用年有餘米留為該縣地方公用嗣後此項應餘米石如遇歉收之年亦照民田一體勘明災分隨同正賦蠲緩。四十六年

諭甘肅蘭州河州等處猝被逆回焚掠亟宜加意撫綏以甦民困所有該處應徵本年錢糧著加恩概行蠲免○又

諭本年六月江蘇崇明縣猝遇風潮被災較重所有崇明閘縣應徵本年地丁錢糧均著加恩蠲免○四十

九年

諭河南衛輝一帶被旱較重著加恩將汲縣等十六縣民欠未完銀兩全行豁免○又

諭昨因河南衛輝一帶缺少雨澤特降諭旨將汲縣等縣民欠未完銀兩全行豁免因思直隸大名一帶與

衛輝境壤毗連。本年春雨愆期。其被旱情形。與衛輝大約相似。自應一例加恩。以紓民力。所有大名等七州縣民欠未完銀兩。亦著加恩全行豁免。○又

諭山東兗曹濟三屬。去歲被災較重。地畝內緩徵帶徵錢糧漕米。著加恩普行蠲免。○又

諭陝省延安榆林綏德三府州屬。秋收歉薄。邊民生計維艱。所有緩徵民屯起運等項銀米。俱著加恩概行豁免。○又

諭前因甘省逆回滋事。一切軍糧草料。雖俱係地方官發價購辦。而沿途輓運。未免有需民力。是未經被賊

滋擾之處。百姓共效供輸。亦宜一體加恩。均施惠澤。所有該省本年應徵錢糧。著概行豁免。如本年業經徵收者。著詳悉查明。於下年豁免。○又

諭安省亳州等屬。低田被淹。未能趕種秋麥。所有應徵新舊錢糧。著分別蠲緩。○五十年

諭衛輝府屬被災之汲縣等五縣。並附近災區之延津等九縣。帶徵緩徵民欠等項。著全行豁免。○又

諭豫省衛輝一帶。連年旱災甚重。所有本年應徵地丁錢糧。竟著加恩。概行豁免。至受旱較重之祥符等六縣。歷年帶徵緩徵民欠各項。著照衛輝所屬之例。全

行豁免。其次重之杞縣等六縣。著蠲免十分之五。鄢陵等四州縣。著蠲免十分之三。○五十三年

諭。此次臺灣逆匪林爽文等糾眾謀逆。義民鄉勇人等。隨同官兵奮勇殺賊。守禦郡城。甚屬可嘉。業經降旨。令該督等查明優賞。惟念逆匪滋事之初。經過地方。百姓田廬牲畜。被其蹂躪劫掠。及遷徙流離者。殊為可憫。所有臺灣府五十二年應徵地丁錢糧。悉行蠲免。○又

諭。據柴大紀奏。官軍在諸羅城外勦殺賊匪。城內紳耆。鋪民挑送飯食涼水。兵丁得不饑渴。又據常青等奏。

牌腹村義民運糧接濟諸羅城中等語該處民人能各知大義踴躍奉公深堪嘉尚著再加恩將五十三年臺灣府屬應徵錢糧概行豁免○又

諭臺灣府屬各廳縣本年應徵兵穀耗羨莊租雜稅等項因應照例徵收以備供支但念該處賊匪滋擾後被難歸莊之民未遑耕種生理維艱若仍分限帶徵民力不無拮据所有本年應徵兵穀耗羨租稅俱著加恩全行寬免○又

諭所有荊州漢陽宜昌武昌安陸各府所屬州縣成災至九分十分者著將五十三年錢糧加恩蠲免○又

諭上年宣化府屬雨澤愆期偶被偏災其民欠未完及緩徵帶徵銀糧若令新舊同徵民力未免拮据所有該府屬五十年五十一年分民欠未完及緩徵銀二千二百二十八兩零糧八千二百五十二石零並著加恩一體蠲免。五十四年

諭所有潼關華州華陰等處未完緩徵銀三千一百六十三兩零又未完緩徵耗羨銀四百七十四兩零並潼關緩徵糧一百二十一石零俱著加恩全行豁免。

○又

諭奉天廣甯等屬本年雨水較多所有該處帶徵銀米

俱著加恩蠲免。○又

諭安徽各屬連年被災歉收。積欠各項銀米。著加恩寬予寬免。○五十九年

諭直隸山東河南三省。屢經被旱歉收。節次降旨加恩。分年帶緩。但節年遞欠。為數較多。所有因災帶緩。原限應扣至甲寅乙卯丙辰年徵收之銀。俱加恩寬免十分之三。○又

諭直隸地方。因河流漲發。各州縣被水較重。所有通州等三十三州縣節年帶徵銀糧。俱著加恩全行豁免。

○又

諭河北三府所屬被水各縣本年應徵秋糧俱著加恩
概行豁免。○又

諭本年直隸地方因雨水過多河流漲發有衝損田廬
之處著該督查明被水州縣所有本年應徵秋糧及
春間被旱緩徵銀糧俱著加恩豁免。○又

諭山東館陶縣邱縣地方因漳衛二河水漲以致村莊
多有被淹所有本年應徵秋糧概行加恩豁免。○又
諭代州五臺繁峙三處因大雨連綿山水陡發著加恩
將被水處所本年應納秋糧概行豁免。○又

諭天津與河間境壤毗連並屬積水下游被災較重著

將河間天津二府屬節年緩帶銀糧普行豁免。○又
諭本年山東省因漫水下注臨清東昌德州等處地畝
居民多有淹損著將臨清等八州縣並臨清德州二
衛節年未完地丁銀三十一萬四千六十六兩零麥
本籽種口糧銀三萬五千九百五十五兩零民借常
社倉穀及南米豫麥合穀共三萬六千七百七十五
石零俱著加恩全行蠲免。○又

諭京山等州縣猝被水災漫溢田廬本年未完並帶徵
錢糧著查明按照成災分數分別蠲緩。○六十年
諭貴州松桃正大等處猝被逆苗滋擾所有本年應徵

秋糧地丁銀米等項俱著加恩全行豁免。○又

諭昨因熱河雨澤缺少已將承德府及所屬灤平縣本年應徵錢糧降旨緩徵連日以來仍未得沛甘霖著即施恩寬免以示朕軫念民艱至意。○又

諭黔省銅仁地方猝被苗匪滋擾所有五十九年未完米石著加恩豁免。○又

諭所有龍溪南靖長泰海澄晉江南安六縣並華封羅溪二縣丞所轄五十九年因災緩徵錢糧均著加恩一體豁免。○又

諭閩省漳浦等州縣沿海地畝猝被淹浸所有本年應

徵錢糧概行加恩豁免。○又

諭泉州府屬之馬家港廳被潮淹浸田畝著將本年應納錢糧加恩豁免。○嘉慶元年

諭湖北教匪滋事該省紳士百姓等能知大義團練鄉勇。隨同官兵打仗殺賊實屬可嘉。湖南省勦捕苗匪現在首逆就獲指日大功告成。第念附近苗疆地方多被苗匪蹂躪占種田土。民人不免失業。即較遠各州縣運解糧餉軍需等事亦不無有資民力。著加恩將湖南湖北二省來歲應徵錢糧俱行豁免。○又奉旨。湖南省辰沅等府屬地近苗疆該處百姓於險要卡

隘晝夜防守田土多被苗匪占種耕作不無失時殊堪軫念所有該省十一廳州縣應徵春秋兩季錢糧著加恩概行豁免。又

諭荆門潛江等州縣地本低窪且濱臨漢江因盛夏大雨連朝江水同時漲發以致水漫隄垸居民村莊間被淹浸著將本年應徵錢糧加恩豁免。又

諭湖北孝感宣恩二縣續被賊匪滋擾著再加恩將本年應徵錢糧一體豁免。二年蠲免湖北省上年被水之漢川公安石首松滋四縣應徵民屯錢糧。○又蠲免江蘇省舊欠之阜甯安東邳海沭陽

荆溪山陽清河鹽城泰昭文宜興十二州縣未完常社倉穀四萬七百四十石有奇。○又

諭南籠

今改興義

等府被難窮黎輸納維艱所有被擾之南

籠通府屬地方安順府及所屬普定朗岱鎮甯永甯並貴陽府屬之廣順定番長寨等廳州縣未完銀穀等款著加恩與嘉慶二年應徵秋米正耗全行蠲免

○又

諭

南籠府城受困半載城內紳士民人等深明大義晝

夜備禦捐助薪米得以固守無虞所有南籠應徵錢糧著該督查明蠲免一年其餘被賊滋擾地方亦均

免一年錢糧。○又蠲免直隸省被水之良鄉等八州縣應徵民地錢糧十分之一。○三年蠲免四川省被擾之長壽等十三州縣達州並所屬之東鄉太平新甯等處應徵本年地丁錢糧。○又

諭陝省藍田等九州縣曾被賊匪蹂躪村莊未完嘉慶二年地丁鹽課等項錢糧著加恩全行豁免其寶雞等二十五廳州縣應徵本年地丁正耗並鹽課等項錢糧又咸甯等十廳州縣未完嘉慶二年地丁等項錢糧著查明被賊蹂躪村莊全行豁免。○又蠲免貴州省被擾之興義等縣本年應徵秋糧一萬二

千九百六十餘石。○四年蠲免河南省被擾之鄧州等十六州縣及盧氏等四縣。歷年帶徵並本年春季應徵正賦銀兩。○又

諭陝省被賊蹂躪之孝義等三十五廳州縣。本年春徵地丁帶徵正耗鹽課銀三十三萬八千七百十五兩零。未完本色糧四萬一千七百四石零。又未完緩徵帶徵地丁正耗鹽課銀二十八萬六千二百九十兩零。本色糧一萬五十六石零。俱著加恩全行豁免。其鄰近賊氛路當孔道之咸陽等二十四廳州縣。本年春徵地丁及帶徵正耗鹽課銀四十四萬六千七百

六十四兩零。本色糧四萬一千五百石零。未完緩徵帶徵地丁正耗鹽課銀四十萬八千九百八十兩零。本色糧一萬五千八百二十一石零。亦著加恩寬免十分之三。又

諭川東川北地方被賊蹂躪之奉節等三十六廳州縣及近賊之石碛等五廳州縣應徵本年地丁錢糧俱著加恩全行豁免。其本年蠲緩之石碛等十六廳州縣及去年請緩之黔江一縣均有緩徵嘉慶三年地丁錢糧。又定縣未完嘉慶三年民欠江北長壽等二十州縣均有帶徵嘉慶二年輪免錢糧案內火耗亦

俱著加恩蠲免十分之三。○又蠲免湖北省被擾之
孝感等州縣衛歷年緩徵帶徵錢糧並本年春
徵未完銀兩暨緩徵南漕正耗等項銀米。○又

諭甘省被賊蹂躪之隴西等十六州縣所有本年應徵
地丁正耗並雜賦銀糧等項又未完帶徵舊欠地丁
正耗及民借種糧等項銀糧俱著加恩全行豁免其
鄰近賊氛路當孔道之皋蘭等二十四廳州縣本年
應徵並未完帶徵舊欠地丁正耗錢糧等項亦著寬
免十分之三。○又

諭貴州興義府屬前因被擾較重業經加恩蠲免今民

苗雖已復業。而田土多被衝壓。本年栽插未能齊全。若令照舊輸將。民力未免拮据。所有興義府及所屬各地方。應徵嘉慶四年分正耗米共一萬六千三百八十九石八斗零。俱再加恩全行豁免。○又

諭江蘇崇明縣所屬之沙地被風成災。著照災分輕重。分別蠲免。○五年

諭川東川北被賊之巫山並近賊之石碛廳等處。所有本年地丁正閏火耗銀米。著加恩全行蠲免。○又

諭緬甯邊地被猺匪闖入滋擾。其東南一帶田禾遭其蹂躪。未獲有收。所有上年額徵秋米未完之一百十

二石著加恩免其輸納其已完之一千一百餘石即作為本年應完秋米額內免其再徵○又

諭川省地方本年賊匪竄渡嘉陵江潼河又甘省亦間有竄入龍安之賊地方不無蹂躪所有先經緩徵及未經緩徵之各廳州縣本年地丁正閏大耗銀米俱著加恩豁免○又奉

旨陝西渭南等四州縣於奉旨緩徵後復被賊蹂躪所有二三年應徵地丁正耗鹽課等項均著加恩蠲免○又

諭直隸上年被水成災之大興等五州縣已將五年分

應徵錢糧兩次共免十分之五。宛平等三州縣本年應徵錢糧亦免十分之五。大興等八州縣疊經承辦兵差解送餉銀。本年雨澤稀少。麥收不能豐稔。著照上年所降恩旨。合境普行寬免。○又蠲免江蘇省被水之蕭陽二縣本年地丁正雜等款銀米。○又諭黑龍江等處。今歲秋收。因嚴霜早降。天氣甚寒。莊稼多被凍損。所有官屯人丁本年應徵糧石。均著照例豁免。○六年

諭川省被賊較重地方。耕種失時。且各屬修築碉寨。團練堵禦。俱屬認真。所有達州等三十六廳州縣。應

徵本年地丁火耗銀米著加恩全行蠲免○又

諭永定河水漲發大興宛平二縣各村莊多被淹浸所有本年應徵錢糧著加恩全行蠲免○又

諭熊枚奏各屬被水輕重情形一摺除大興等各州縣前經降旨分別蠲免外所有此次勘明被災較重之香河等三十五州縣著加恩將本年應徵錢糧全行豁免其被災稍輕之密雲等十九州縣著加恩將本年應徵錢糧蠲免十分之五至大城永清東安三縣前經降旨蠲免本年錢糧十分之五茲據查明被災較重亦著加恩全行蠲免○又

諭川省民人捐輸銀數。誼切桑梓。急公尚義。實屬可嘉。著加恩將嘉慶七年應徵地丁錢糧之遂甯等十六州縣。蠲免十分之四。大邑等十三州縣。蠲免十分之三。成都等五十七廳州縣。蠲免十分之二。○又

諭代州等十二州縣被水地畝。所有應徵錢糧。著加恩將被災十分者。蠲十分之七。九分者。蠲十分之六。八分者。蠲十分之四。七分者。蠲十分之二。五六分者。蠲十分之一。○又

諭所有續行查明被災較重之甯河等十八州縣。著加恩將本年應徵錢糧。全行蠲免。其被災稍輕之青縣

等九州縣著加恩將本年應徵錢糧蠲免十分之五。又昌平等十州縣查明續又被淹情形較重亦著將本年應徵錢糧全行蠲免。至薊州被蝗各村莊明年應徵錢糧加恩蠲免十分之三。○又

諭臨清等各州縣本年雨水過大民舍田禾均有淹浸著加恩將被水較重之臨清等四州縣衛本年應徵錢糧漕米全行蠲免。夏津聊城堂邑三縣衛低窪處所本年應徵錢糧漕米亦著加恩全行蠲免。其被水較輕之清平等九州縣衛被淹地畝應徵本年錢糧漕米著蠲免十分之五。○又

諭雲南易門縣太和川等處山水陡發沿河低窪之處俱被沙石淤壓補種雜糧恐難一律成熟所有該縣被水九村本年應徵條銀秋米俱著加恩豁免○又諭今年直隸被水各州縣竈地錢糧與民地事同一例著將被災較重之滄州等州縣場竈地本年應徵竈戶地丁錢糧加恩全行豁免其被水稍輕之青縣東光二處並各場竈地本年應徵竈戶地丁錢糧蠲免十分之五○又

諭浙省諸暨等州縣猝被山水衝發淹浸民田所有成災五分之諸暨等五縣及成災八九十分之錢清場

牧地應徵本年地漕等項銀米牧租竈課俱著加恩
按分蠲免○又

諭文安縣本年全境被水今已屆冬序積淹尚未消退
來春仍不能及時耕種殊堪憫惻著再加恩將應徵
嘉慶七年錢糧概行蠲免○又

諭雲南臨安大理府屬之建水浪穹二縣被衝田畝秋
成業已無望所有本年應徵條糧均著加恩全行蠲
免○又

諭天津所屬青縣等四縣成災俱有九分所有應徵錢
糧十分之五著加恩一體全行蠲免○又

諭所有大甯鹽場被衝鹽竈本年應徵竈課銀一千八百三十六兩著加恩全行蠲免